

在方面若上下同心攝領權綱猶冀天下可治宦人忠厚可任者使自翦其黨蔑有不濟今公私牽屬不減二萬雖誅六七巨魁未見有益適固其逆心耳帝曰此一事終始屬卿初李繼昭等以功皆進平章事時謂三使相後更附韓全誨皆忌引引聞召李茂貞入朝留子繼筠宿衛偃以為不可引不納偃又語令狐渙渙曰無衛軍則為閹豎所圖矣偃曰不然無兵則家與國安有兵則家與國不可保李彥弼見帝倨甚偃請逐之帝不用繼昭等飲殿中自若偃曰三使相有功不如厚與金帛毋使預政事今宰相不得揣決事繼昭輩所奏必聽他日遽改則人人生怨初以衛兵檢中人今敕使衛兵為一臣竊寒心願召茂貞還其衛軍及引召朱全忠偃勸引督茂貞還衛卒若茂貞不如詔即許全忠入朝未及用而韓全誨等劫帝西幸偃夜追及見帝慟哭至鳳翔遷兵部侍郎進承旨宰相韋貽範母喪詔還位

成 錄 卷 二十九 列傳中 三十一

偃當草制上言貽範處喪未數月遽使視事傷孝子心學士馬從皓逼偃求草制偃曰腕可斷麻不可草明日百官至而麻不出官侍合謀李茂貞入見帝曰命宰相而學士不草麻非反耶艷然出帝畏茂貞卒詔貽範還相初偃侍宴與京兆鄭元規威遠使陳班並席坐朱全忠崔引臨陞宣事坐者去席偃不動曰侍宴無輒立二公將以我為知禮全忠怒偃薄己貶濮州司馬天佑二年擢其族南依王審知而卒兄儀字羽光亦以翰林學士為御史中丞偃貶之明年帝宴文思毬場全忠入百官坐廡下全忠怒貶儀棣州司馬

唐書本傳

王微字昭文京兆人第進士廣明元年為戶部侍郎同平章事是日黃巢入關僖宗西狩微追帝不及為賊所執將汙以官微陽瘖不答以刃環脅卒不動久之奔河中遣人間走蜀詔拜兵部尚書京城四面宣慰催陣使更為租庸供軍使因請赦沙陀罪令赴難其夏沙陀

會諸軍遂平京師遷右僕射大亂之後宮觀焚殘園陵發掘徹充京畿安撫制置修奉使外調兵食內撫流亡踰年稍稍完聚即奉表請帝東還進檢校司空御史大夫仍權京兆尹宦要家爭遣人治第侵冒齊民微一平以法由是為左右所憎遂移疾免昭宗立授吏部尚書大順元年卒贈司空諡曰貞

唐書本傳

南唐常夢錫字孟圖萬年縣洪固鄉貴胄里人祖法邠州宜祿縣令考修成都府戶曹參軍夢錫質重有氣博學多聞岐王李茂貞承制除寶雞令兼監察御史入吳授大理司直南唐烈祖受禪擢拜給事中封駁奏議無顧憚始為當途者所嫉□□嗣位恩禮甚優夢錫以發號之初幾微所慎盡規極言如恐不及大忤權貴貶佐池州明年復拜給事中掌宣正院甲辰歲諫臣皆貶夢錫罷院事又為文理院學士

成 錄 卷 二十九 列傳中 三十一

承旨歷官禮部尚書自昇元至保大之初便蕃密勿有犯無隱戊午歲卒上罷朝悲悼贈送優渥

徐鉉撰行狀

咸寧縣志卷二十

列傳下

五代

韋震字東卿萬年人初名肇強敏有口辯事梁太祖為都統判官昭宗幸石門太祖遣由號略奉表行在昭宗賜名震太祖已破克鄆遂攻吳大敗於清口太祖懼諸鎮乘間圖己乃諷杜洪鍾傳王師範錢鏐等薦己為元帥且兼求領鄆州昭宗不許震強辯敢大言昭宗卒許梁以鄆州太祖遂兼四鎮表震鄆州留後昭宗遷洛震入為河南尹六軍諸衛副使以病瘖守太子太保致仕太祖受禪改太子太傅末帝即位加太師卒五代史

王宗為唐神策軍吏官至金吾大將軍領興元節度使舊志

王易簡字國寶萬年人曾祖肅劍州刺史祖遠連州刺史父貫唐州刺史易簡好學工詩梁乾化中舉進士召為右拾遺上書忤旨出為

鄆州節度推官後唐同光中為魏王府記室參軍明宗即位周帥羅周恭辟為掌書記府罷退居華陰作小隱詩秦王從榮聞而重之召

為祠部員外郎晉初拜御史中丞吏部侍郎判吏部銓晉祖在大梁臺省湫隘易簡奏舉故事得元省錢二百萬繕治省署及造器物周初遷禮部尚書俄改刑部判兵部顯德四年致仕宋初加少保卒子景讓進士及第至尚書郎宋史本傳

宋

王陶字樂道萬年人第進士嘉祐初為監察御史裏行神宗立拜御史中丞郭逵以僉書樞密宣撫陝西詔令還都陶言韓琦置達二府至用太祖故事出師却制人主琦必有姦言惑亂聖德願罷達陶始受知於琦帝初臨御陶料必易置大臣欲自規重位故力攻之帝徙

陶為翰林學士出知陳州入權三司使呂公著言其反覆不可近以

東宮舊臣加觀文殿學士帝薄其為人不復用元豐三年卒陶微時苦貧寓京師其友姜愚一日大雪念陶奉母寒荷一鋪刻雪行二十里訪之陶母凍坐日高無炊烟愚亟解所衣錦裘貨錢買酒肉薪炭又捐數百千為之娶陶既貴尹洛愚老而喪明往謁之陶對之邈然但出尊酒而已愚失望歸病死宋史本傳

李濤字信臣萬年人後唐天成初舉進士甲科拜監察御史晉天福初遷刑部郎中涇帥張彥澤殺記室張式奪其妻濤伏閣抗疏請寘於法植笏叩階聲色俱厲晉祖不得已罷彥澤節制漢祖起義以為翰林學士周初歷刑戶二尚書宋初拜兵部尚書建隆二年濤被病有軍校尹勳董浚五丈河陳留丁壯夜潰勳擅斬隊長陳排等十人濤力疾草奏請斬勳家人勸久病宜自愛濤曰人孰無死但我為兵

部尚書坐視軍校無辜殺人烏得不奏太祖嘉之削勳官爵配隸許州卒年六十四濤慷慨有大志工為詩筆札道媚居家以孝友聞子承休至尚書水部郎中宋史本傳

李若拙字藏用萬年人舉進士擢上第授密州防禦推官登賢良方正直言極諫科太祖嘉其敏贍改著作佐郎遷知隴州以政聞雍熙三年假秘書監使交州先是黎桓制度踰僭若拙遣左右戒以臣禮桓聽命拜詔盡恭取先陷蠻使鄧君辨以歸使還不辱命遷起居舍人淳化二年出為兩浙轉運使徙江南若拙尚氣節有幹才然臨事

緩宰相以為言罷使知涇州至道二年黎桓復侵南鄙又詔若拙充使桓復稟命使還真宗嗣位詔試學士院俄知制誥咸平初使河朔按邊事知昇貝二州卒子繹字縱之幼謹愿自修舉進士中第除將作監丞累遷屯田員外知華州蒲城民李蘊訴人盜其從子亡去繹

因密刺蘊蘊有陰罪姪覺之懼事敗殺之以滅口遂收蘊致法擢提點河北刑獄權知貝州歲旱繹為酒務市民薪草溢常數餓者皆以樵採自給得不死官入亦數倍邊民歲輸草十餘萬委積久輒腐敗繹奏罷之三遷本曹郎中改兵部為江淮制置發運使內出絹五十萬疋責留於東南繹曰百姓饑不宜重擾輒奏罷之甫半年漕課視常歲增五之一繹自以久官在外意不自得作五知先生傳謂知時知難知命知退知足也為右諫議大夫卒

宋史本傳

張保續字嗣先以蔭補太廟齋郎在梁補臨濟尉後唐領瓜州副使晉歷太府光祿二少卿漢出為隴州防禦使周為東上閣門副使從上征淮南壽州納款遣保續慰撫又從平瓦橋奉使吳越宋初遷衛尉卿判閣門保續性介直好儉素在閣門四十年善宣贊辭令聽者傾聳累使蕃國不辱命歷事六朝未嘗有過

咸寧縣志卷二十一列傳下

三

崔翰字仲文丰姿偉秀驍勇多謀太祖奇之以隸麾下從周世宗征淮南平壽春取關南以功補軍使太宗即位授殿前都指揮使翰分布士伍建旗號令將卒望其所舉以為進退六師周旋如一上臨觀大悅賜金帶四年從征太原矢中其額督戰愈急上即軍帳撫問定議北伐班師復命上喜命知定州諸軍並受節制時盜賊充斥翰誘渠魁戒以禍福羣盜感悟散歸農畝境內肅然還京見上曰臣既以身許國不願死於家上壯之未幾卒贈侍中

並舊志

李庠字彭年唐郇王裔性純厚非仁義不言言必思行之尤長於吏事父尚書在真定斷獄有令名庠多助焉佐政萬年善窒訟原趙元昊反為西兵募陳禦敵之策甚備仁宗嘉納之在河東自分諸將古地總兵使應機制敵各專其責籍戍兵以時更代人皆便之涇原歲饑主計者以乏軍儲不獨民租乃請減邊兵就食內地租遂得獨人

服其達環慶羌衆逼境四路都帥遣使促兵擊賊庠請堅壁清野以困之帥用庠言賊果去其臨事應變類若此

舊志

楊得榮父子江元統間世祖攻襄陽不克子江用礮擊破其城取之官便宜都元帥護國進義益武莊得榮其仲子也官礮手軍匠元帥府鎮撫諡英烈由三原龍橋鎮遷居縣之東三爻村為三爻楊氏支祖子姓蕃衍有義田三百餘畝春秋時祀焉康熙中吳景恂撰墓碑

探訪

胡恭範元世祖時以經明行修進拜太子中允輔導有方世祖登極以師道超遷中書左丞相龍冠一時皇后特賜恭範夫人胭脂粉戶四百戶

舊志

董立字植夫號玉峯中經元會試以疾還遂隱居教授三十餘年順

咸寧縣志卷二十一列傳下

四

帝朝丞相賀太平以隱逸薦天子頒勅加禮徵入拜修撰授經郎輔導儲嗣轉內臺御史遷國子司業陟准西僉事歷陞漢中廉訪副使復為左春坊贊善進禮部侍郎遷侍御史再遷陝西行臺進正治上卿卒朝廷輟朝遣奠營葬進中丞諡文貞

舊志

張冲字九霄始以隱德見徵拜翰林侍講累官陝西行御史臺中丞後改鎮雲南卒於官

舊志

管如德少習兵法有大志膂力過人能一手開二弓仕為江州都統制以平盜鍾明亮功累遷浙江宣慰使賜金牌諡武襄

王仁卿由武科歷官荆湖北道宣慰使

並舊志

明

王通金鄉侯真子嗣父官為都指揮使將父兵轉戰有功進都督僉事復以父死事故封武義伯錄千石予世券永樂七年董營長陵十

一年進封成山侯加祿二百石明年從北征二十年從出塞並領右掖仁宗即位命掌後府加太子太保時交趾總兵官豐城侯李彬卒黎利益張數破郡邑殺將吏宣宗命通佩征夷將軍印帥師往討通至分道出擊參將馬瑛破賊於石室縣通引軍與瑛合至應平之寧橋中伏軍潰通中傷還交州朝廷遣柳升等助通未至二年二月利攻城通以勁兵五千出不意擣賊營破之斬其司空丁禮以下萬餘級賊勢復振會柳升戰歿通懼哈利和為利馳上謝罪表十月與利盟退師廷議厭兵遂棄交趾明年通還京羣臣交劾論死繫獄奪券籍其家正統四年釋為民景帝立起都督僉事守京城禦也一作先有功進同知守天壽山還其家產景泰三年卒天順元年詔通子琮嗣成山伯琮子鏞成化時賜原券明史卷一百五十四

李錫字天祿永樂戊子解元授蒲州學正出其門多成令器陞給事明史卷一百五十四

整飭典章小心慎密得近臣體轉通政使封駁章奏通達下情雖控

忽繁劇條理井然賈氏通志

雍泰字世隆成化五年進士除吳縣知縣太湖漲沒田千頃泰作堤

為民利稱雍公堤民妾亡去妾父訟其夫密殺女匿屍湖石下泰詰

曰彼密殺汝女汝何以知匿所且此非兩月屍必汝殺他人女冀得

賂耳一考而服召為御史巡鹽兩淮竈丁無妻者泰為婚匹出知鳳

陽府父憂去服闋起知南陽余子俊督師薦為大同兵備副使擢山

西按察使泰剛廉所至好搏擊豪強太原知府尹珍塗遇弗及避泰

召至謁而數之珍不服泰竟笞珍珍訴於朝且告泰非罪杖人死逮

下詔獄王恕請寬泰罪會事經赦乃降湖廣參議宏治四年轉浙江

右布政使復以母憂去十二年起右副都御史巡撫宣府官馬死軍士不能償泰言於朝以官幣市邊軍貧有妻者輒鬻泰請官為資給

尚書周經因令貧者給聘財典賣者收贖軍盡歡參將王傑有罪泰劾之下泰逮問泰又請按千戶八人帝以泰屢抑武臣方詔都察院行勘而參將李稽坐事畏泰重劾乞受杖泰取大杖決之稽乃奏泰凌虐帝遣給事中徐仁偕錦衣千戶往按傑復使人走登聞鼓下訟泰妄逮將校至入十六人並及其婿納賂事法司覈上禱為民武宗立給事中潘鐸等薦泰有敢死之節克亂之才吏部尚書馬文升遂起泰南京右副都御史提都操江固辭不赴正德三年春許進為吏部復起前官七月擢南京戶部尚書劉瑾泰鄉人也怒泰不與通甫四日即令致仕謂進私泰遂削二人籍而追斥馬文升及前薦泰者尚書劉大夏給事中趙士賢御史張津等為民其他罰米輸邊者又五十餘人泰歸居章曲別墅不入城市瑾誅復官致仕年八十卒卒時榻下有聲若霆者泰奉身儉素貴賓至不過二肉為尚書無緋衣

及卒家人始製以斂天啓中追諡端惠明史本傳泰巡鹽兩淮見竈丁貧而鰥者幾二千人比二年悉與完室既去淮人詠曰客邊檢臺渾無

現海上遺民盡有家又曰了却四年兒女願春風解纜去朝天見聞錄

盧彬字文質宣德中進士授戶部主事時朝命將伐麓川以彬督餉

規畫得宜貴州苗叛彬擒賊首餘皆奔潰水西酋為亂彬單騎往諭

蠻酋感化貴地以寧轉山西參議通志廉能

楊鼎字宗器家貧力學舉鄉會試第一正統四年殿試第二授編修

久之與侍講杜寧等十人簡入東閣肄業鼎居侍從雅欲以功名見

嘗建言修飭戎備通漕三邊二事同輩謂其迂鼎益自信也先將寇

京師詔行監察御史事募兵兗州景泰三年進侍講兼中允五年超

擢戶部右侍郎天順初轉左陳汝言譖之帝不聽三年冬以陪祀陵

寢不謹下獄贖杖還職帝嘗命宦牛玉諭旨欲取江南折糧銀實

內帑而以他稅物充武臣俸鼎不可馬牛芻乏譏徵什二又以民艱力沮皆報罷七年尙書年富有疾詔鼎掌部事成化四年代馬昂爲戶部尙書而以翁世資爲侍郎六年鼎疏言陝西外患四寇內患流民然寇害止邊塞流民則疾在腹心漢中僻居萬山襟喉川蜀四方附籍者聽之不願者資遣兼與守臣練士馬修城池庶可弭他日患詔從之湖廣頻歲饑發廩已盡及是有秋用鼎言發庫貯銀布易米備災准徐臨德四倉舊積糧百餘萬石後餉乏民饑輒請移用粟且匱鼎議上贖罪中鹽折鈔徵逋六事行之由是諸倉有儲蓄尋加太子少保鼎居戶部持廉然性頗拘滯十五年秋給事御史劾鼎非經國才鼎再疏求去賜敕馳驛歸命有司月給米二石歲給役四人終其身大臣致仕有給賜自鼎始也卒贈太子太保諡莊敏子時暢進

成寧縣志卷二十一列傳下

七

士累官侍講學士多識典故有用世才時數舉人盧嘉被旌官兵部司務明史卷一百五十七

張鼎字大器成化丙戌進士授刑部主事上言邊備曰陝西三邊腹裏俱有鎮守總兵巡撫都御史等官遇事各爲可否有警不相救援宜推文武兼濟者一人總制三邊副將以下悉聽調遣則事體歸一詔從之邊境賴以稍寧歷官戶部侍郎初知太原除豪黠孟氏一家九人按察河東威名遠著巡撫保定禦流賊築牆數百里自內邱直連京畿境內肅清通志直隸

張鸞字應祥成化辛丑進士授大名知縣調南樂歲旱民饑流亡過半力請賑貸民以獲蘇擢御史巡視居庸條陳防邊數事悉報可出按四川先後奏議松潘諸處及成都諸郡縣添設裁革事宜皆卓然爲經遠之績累遷僉憲時御史王時中巡按大同忤權貴欲置之死

鸞力解救之巨璫張璿掠奪民產往勘事得直以田產還之民轉刑部右侍郎以忤劉瑾致仕歸通志直隸

邢簡字居敬景泰甲戌進士授刑部主事用法明允凡大獄多委鞠焉陞眞定守祛弊均徭吏民畏服陞浙江參政時海寧泛溢簡賑饑

獨稅築堤設閘民賴以安後陞戶部右侍郎通志廉能

孟俊天順己卯舉人知上杭縣爲治嚴而有則理芟剔蠹威行惠流擢監察御史巡按南畿以布政司參政致仕萬姓統譜

于寬字克宏成化中舉人事繼母以孝聞在太學時友人任良病歿

良妻鸞二女歸葬寬爲贖還率同志捐貲歸其喪後知鞏縣積穀救

荒築堤障水擢守鄧州築城禦盜有功鄧人尸祝通志廉能

劉儲秀字士奇正德甲戌進士授刑部主事歷郎中多所平反錄囚

蜀中全活尤衆戊子擢山西提學副使崇雅黜浮士風丕變晉右副

都巡撫遼東整飭邊方治績茂著內擢戶部尙書總督倉場督管西

苑農事時陶仲文方幸至以三孤兼宗伯儲秀於仲文獨不爲禮尋

改兵部尙書例疏辭疏中語及復套事嚴嵩方借復套謀陷夏言因

與仲文交構上前遂削籍馮少據集

胡侍字承之正德丁丑進士歷官鴻臚少卿時追尊獻帝議者力辯

兩考之非侍上言祖訓兄終弟及蓋嚴嫡庶妨觀爾魯嬰齊不受

命歸父漢病己不受命昭帝何以受命爲哉唐睿宗不當兄中宗宋

太宗不當兄藝祖以其爲君也不當稱兄則不當稱伯明矣上怒出

爲潞州判官通志直隸

許宗魯字東侯正德丁丑進士授雲南道御史刷卷蘇徽盡按諸大

猾寘之法所入銀穀至百數十餘萬世宗初巡按宣大時將卒驕悍

宗魯罪其甚者將卒帖然先是太監劉祥乾沒邊餉以萬計罪止罷

宗魯罪其甚者將卒帖然先是太監劉祥乾沒邊餉以萬計罪止罷

宗魯罪其甚者將卒帖然先是太監劉祥乾沒邊餉以萬計罪止罷

宗魯罪其甚者將卒帖然先是太監劉祥乾沒邊餉以萬計罪止罷

宗魯罪其甚者將卒帖然先是太監劉祥乾沒邊餉以萬計罪止罷

宗魯罪其甚者將卒帖然先是太監劉祥乾沒邊餉以萬計罪止罷

鎮宗魯請下祥於獄祥大懼即如數抵償御史曹嘉論諸大臣不法
事有給事希大臣意劾嘉宗魯力奏嘉無罪獲免至劾武定侯郭勛
太監蕭敬兩疏言尤切至宣大故有大邊正德初以地遠棄不守宗
魯行邊奏請補築已視湖廣學政土風丕振未幾巡撫保定覈驛傳
均徭賦築堤捍滹沱河有功賜璽書旌焉庚戌以都御史駐昌平修
邊牆三百里墩堡數百陵寢以安移撫遼東增鹽課歸民田之占於
諸軍者遼人甚賴之致仕歸孫從坤字載陽萬曆丁酉舉人初仕霸
州守潔己奉公不畏權璫擢臺中以耿直左遷淮安府水利同知開
加治潢以功擢南工部員外通志直隸

王懋字昭大正德丁丑進士授行人以諫止南巡廷杖左遷國子學
正嘉靖初詔復行人尋拜監察御史時廷臣議禮不合相繼去位有
杖死者懋上疏論救謫典史數遷至懷慶知府卒通志直隸

杜鸞正德辛巳進士授大理評事李福達之獄郭勛居間席書助之
鸞請將二人先正國法徐命多官集議疏上逮治削籍通志直隸

王用賓字允興正德辛巳進士授翰林院編修歷清署三十餘年以
講官侍經筵啓沃開陳世宗每目禮之晉秩宗伯值穆宗在裕邸誕
嗣並奉詔議孝烈皇后祔廟兩事時際諱忌朝臣率多異同公力持
宜稱皇孫主祔廟議先後疏入俱稱旨以忤嚴嵩置留京冢宰通志直隸

劉璣字用齊成化辛丑進士初任曲沃令陞瑞州知府家食嘗不給
公服外無餘衣時新昌盜起璣入賊巢面諭賊見璣皆羅拜聽命立
時解散歷遷戶部尚書通志廉能

郭桂字時芳宏治庚戌進士知安邱王某者邑中大豪也令至輒啖
以利既乃格制之桂蒞任發其事論殺之有父訟其子盜金者桂知
其後母也謂翁曰亟歸金在若媪衣笥中歸果得之父子如初後判

湖州儲運先期輒辦遷泰州知州州多積蠹有巨惡號二虎桂至發
其奸斃之轉鎮江同知攝郡事決獄若神遷平陽藩邸素為盜數桂
至宗室咸畏其威盜賊遠遁尋擢參政卒通志廉能

謝朝宣字汝為西安左衛人宏治癸丑進士任監察御史巡按雲南
監鄉試令土官咸得觀聽鹿鳴遠人感化陞浙江副使因忤權宦謫
黃州同知招流移卹貧乏陞四川副使征勦有功斷獄無滯通志廉能

馬應祥字公順宏治丙辰進士授河內知縣時邑多風逋應祥考戶
數躬為編次奸猾斂手自是輸將恐後時有殺人者不可迹先期禱
越國公祠下曰神許我得情則雨果雨翼日啓棺諸人羅跪有鼠自
棺出竄一人衣襟下忽不見應祥指之曰殺人者汝其人色動推究
果服又郊外殺一人未絕移縣門內許士民縱觀有一人嗟歎其側
祥遂執之一訊即得召拜吏部主事出備兵陳睢再改山西督屯屯

田子粒積負併徵應祥請諸撫按許他物相準即以給士卒甫三月
完十七八擢山西按察副使乞休通志廉能

倪璣字公在正德戊辰進士歷給事中後以誣謫佐嘉善立法更化
嚴保甲毀淫祠置義塚及義學書院甚有政教萬姓統譜陞知定州世宗
入繼大統所經郡邑咸慕以錦繡至定州璣獨以黃布上嘉其儉約

尋陞山西口北道僉事通志廉能

曹蘭字德芳正德辛未進士歷山西布政司大同兵變蘭履險決策
賊不敢犯晉山東巡撫子韓嘉靖乙未進士累陞貴州參政嚴敏清

潔所在有聲通志廉能

管楫字汝濟正德中進士授刑部主事陞吏部文選郎中能以清苦
自持歷任山東巡撫整肅官方甫五月齊魯翕然稱治母老告歸行

李蕭然圖書外無長物通志廉能

高節字中立西安後衛人嘉靖乙未進士知襄陵擢南給事中慧直有聲出知河南衛輝府以廉介稱中丞某禮接少違即掛冠去一日

直指使者往候節方冠襟荷鋤自耕留坐惟麥飯一盂人服其古

樸云通志直隸

泰登字允升嘉靖元年舉人選昌平學正嚴立課程作與士類擢同知鳳陽淮決築堤造梁於泗工役之費皆所自措歲饑請賑全活甚

衆尋補四川順慶肅清軍政陞崇王府長史以輔導自任告歸卒子

可久字孟徵舉嘉靖丙午鄉試謁選揚州通判攝江都事廉明勤慎陞知濱州濱城壞可久修築之弟可大字仲容嘉靖中進士授東光

令丁外艱起補光山令以績最擢兵部武選主事歷員外郎考察武

臣不避權貴尋陞山西參議擢四川副使兵備建昌值土寇沙氏亂

撫鎮王勳可大主撫竟以撫定陞山西行太僕卿兵備寧武致仕可

政通志廉能

大博通五經尤長於詩弟可貞字秀章萬曆中進士爲富順令有善

盧紳字汝佩嘉靖癸未進士知遂寧縣有水患築堤植柳水患永消

累擢湖廣副使撫治荆南荆南界連川貴諸蠻搆兵連歲上怒下守

臣會議紳曰蠻性蠢爾若繩制太嚴恐生他變不若開諭利害俾罷

兵息民足矣從之兵遂解陞江西參政瑞州寇起單車諭散其黨擢

貴州按察使衛指揮貪暴激變軍士連結諸蠻爲亂紳至執首惡餘

悉宥之進布政司改順天府尹時有勳貴奪畿內民田數百頃關說

京兆紳力拒之擢戶部侍郎總督倉場兼理西苑農事清查積貯餘

米二十餘萬石以裕國儲拜南京戶部尚書通志廉能

黃辰字思瞻嘉靖丁未進士授衛輝府推官時鄭府以諫忤世宗人

乘機誣奏爲逆上怒命三法司按之辰訊鞠獨直其冤陞工部主事

居淮上會兵變展通商償運開屯覈餉吏不敢奸叛軍帖服陞知彰

德府致仕通志廉能

周尙文字彥章西安後衛人幼讀書粗曉大義多謀略精騎射年十

六襲指揮同知屢出塞有功進指揮使實鐸反遏黃河渡口獲叛賊

丁廣等推掌衛事關內回賊四起倚南山尙文次第平之御史劉天

和劾中貴廖堂繫詔獄事連尙文拷掠令引天和終不承久之始釋

已守備階州計禽叛番進署都指揮僉事充甘肅遊擊將軍嘉靖元

年改寧夏參將尋進都指揮同知爲涼州副總兵御史按部莊浪猝

遇寇尙文亟分軍擁御史而自引麾下射之寇乃遁嘗追寇出塞寇

來益衆尙文軍半至麾下皆恐乃從容下馬解鞍背崖力戰所殺傷

相當部將丁杲來援寇始退尙文被創甚乃告歸尋起故官言囊數

踏冰入尙文築牆百二十里澆以水冰滑不可上冰泮則令力士持

長竿鐵鉤鈎殺渡者九年擢署都督僉事充寧夏總兵官王瓊築邊

牆尙文督其役且濬渠開屯軍民利之寇掠西海過寧夏巡撫楊志

學議發兵邀尙文不從劾解職久之起山西副總兵寇由偏頭關趨

岢嵐尙文轉戰三百里破之與子君佐俱傷賚銀幣尋以總兵官鎮

延綏寇犯紅山墩力戰敗之被賚吉囊復大掠清平堡坐奪俸尙文

優將才負氣桀傲所至與文吏競文吏又往往挫折之以故瀾不相

得巡撫賈啓劾尙文老諍兵部請調之甘肅帝不從各奪其俸巡按

張光祖言兩人必不可共處乃革尙文任亦貶啓秩吉囊大入抵固

原天和時已爲總督激尙文立功奮擊之黑水苑殺其子號小十王

者獲首功百三十餘乃以爲都督同知二十一年用薦爲東官廳聽

征總兵官兼僉後府事嚴嵩爲禮部尙書子世蕃官後府都事驕蹇

尙文面叱將劾奏之嵩謝得免調世蕃治中以避尙文銜次骨其秋

以總兵官鎮大同請增餉及馬兵部言尙文陳請過當方被詔切責而尙文與巡撫趙錦不協乞休弗允日相構御史王三聘乞移之他鎮廷議大同敵衝尙文假此避不宜墮其奸謀乃以錦爲甘肅巡撫吉囊數萬騎犯前衛尙文與戰黑山殺其子滿罕歹追至涼城斬獲多進右都督已寇由宣府逼畿甸出大同塞而北尙文邀之稍有俘獲後寇復大舉犯鶉鴿谷將南下尙文備陽和遣騎四出邀寇寇遁賜救獎勞之總督翁萬達議築邊牆自宣府西陽和至大同關山口延袤二百餘里以屬尙文乃益築陽和以西至山西了角山凡四百餘里敵臺千餘斥屯田四萬餘頃益軍萬三千有奇帝嘉其功進左都督加太子太保永除屯稅叛人充灼召小王子寇邊尙文偵得其使者加太保蔭子錦衣世千戶終明之世總兵官加三公者尙文一人而已初俺答及吉囊諸子威強諸邊咸受其患大同尤甚自尙文

成

軍

志

卷二十一

列傳下

十三

蒞鎮與總督萬達巡撫詹榮規畫戰守備邊民息肩者數年尙文益招叛人孤敵勢歸者相屬二十七年八月俺答伏兵五堡旁誘指揮顧相等出圍之彌陀山尙文急督副總兵林椿參將呂勇遊擊李梅及二子君佐君仁出塞援圍始解相及指揮周奉千戶呂愷郝經等已陣歿尙文轉戰次野口伏突起殊死戰斬其長一人相持月餘乃引去尙文設伏殺其殿卒而還尙文三子俱罪戍至是以父功得釋俺答數萬騎犯宣府萬達檄尙文大破之曹家莊錄功兼太子太傅賜賚有加其年卒年七十五尙文清約愛士得士死力善用間知敵中曲折故戰輒有功自二十年後俺答頻擾邊宿將王效馬永梁震皆前死惟尙文存威名最盛嚴嵩父子謀傾陷功高帝方藉以抗強敵讒不得入暨卒格恤典不予給事中沈東以爲言嵩激帝怒錮東詔獄穆宗立始贈太傅諡武襄

明史卷一百一十一

王獻字惟從嘉靖癸未進士官山東巡察海運副使燒石開道十四里麻灣以通於是江淮之舟可至膠萊餘三十里功未竟適遷去有撓之者功遂不成獻敘其案牘爲膠萊新河議以貽後來獻沒膠萊人思其功祀名宦

四庫書目

王繼祖字克紹性孝友隆慶戊辰進士授兵部主事監稅山海關謝絕饋遺陞武庫司郎中諸司支費甚繁繼祖謹出納明簿記陞河間知府政聲爲畿輔最以直道不容罷歸薦起補南陽知府當歲歉流遺載道繼祖多方賑濟全活數萬尋陞副使告歸

通志廉能

王紹先字伯生三原籍萬曆癸未進士任主事監修潞府省費鉅萬奸璫忿甚陷之詔獄尋謫山東運判後復主昌平糧務糾劾奸璫再請代州同知丰稜愈峻稍復南刑部員外郎家居修陝西通志

通志

黃道亨萬曆甲午舉人知祁州修文廟立社學飭保甲均徭役覈詭

成

軍

志

卷二十一

列傳下

十四

派革耗羨未期月而政成歲荒捐俸煮粥救濟招流民開渠墾田得數千畝利賴至今

通志

李采字質軒萬曆丁未進士初知嘉定不私羨金尋督餉大同兵備冀北滇南修理戎政董勸農功俱有成績進江南布政抑權璫肅僚吏風裁卓然

通志廉能

曹代之字若參領萬曆乙卯鄉薦初任貴州安順司李持法平允吏民畏服時黔寇歸附代之治城修學還定安集京鴻漸至歷陞工科都給事中風岸峭厲抗直敢言己卯督理秦省餉務庚辰奇荒斗米二千錢力請減賦鄉人德之

通志直諫

周傳誦字淑遠西安左衛人萬曆己丑進士官湖廣左布政稅璫陳奉肆虐民不堪命楚撫劾之被詔下獄傳誦署撫力抗其鋒後奉竟解職楚民肖像祀焉

通志直諫

郭進天順間經魁丙戌進士任山陽知縣有善政卒於官民立祠祀之舊志

鄒相字汝良以進士歷刑部主事員外郎中卒於官為人重厚簡默操守平易在官持法守正不附權勢舊志

李鳳宏治辛酉舉人署沁水教諭正德二年禮部題准天下鄉試用考試官潘臬會同巡方使者從公訪求學問醇正行止端謹之士以禮聘取鳳膺聘為蜀大主考取士率稱得人著有蜀聘錄詩文二卷藏於家舊志

劉漢字仲菴領嘉靖壬午鄉薦謁選教諭晉秩國子博士遷河間通判不合於時罷歸僻處一園冬夏着一布袍灌圃種樹非知己罕覩其面讀書不間寒暑清貧自甘如儒生時壽八十二卒布政周宇有仲菴老人傳舊志

黃雲字叔卿由進士任工部主事監榷浙稅羨餘貯郡藏歷任山西憲副兵備岢嵐路當偏關寇出沒無常乃浚城隍募間諜師出常捷懋績鴻功具載之於實錄以心勞卒於官舊志

屈大陸字薦卿年十齡父兄相繼卒外貧樞弗能歸母李獨攜陞西歸苦攻力學嘉靖領鄉薦明年南宮不第遂奔丹陽及淮上歸櫬關中葬祭如禮奉母孝養備至謁選寧晉教諭擢知溫江潔己奉公慈祥愷悌修城築堤境內感化溫人伐石碑之陞襄陽判官攝一府三縣德惠旁流清譽茂著擢知絳州廉慎益勵然其性樸直於諸司不合罷歸棲遲林泉圖史自娛授教邑里門下士以易登第者甚衆縉紳輩謂陞事親為孝子行己為直士教人為嚴師修詞為文人其重於鄉評如此壽七十二卒於家舊志

宋昂字仲頰以鄉試授南陽學教諭訂修鄖陽志尋陞廣平令寬簡

咸寧縣志 卷二十一 列傳下 十五

廉明尤加意學校歷官順德府通判解州知州愛民訓士餘羨不以充私橐與直指不合拂袖歸里壽八十一以疾終舊志

張世美字顯卿剛毅博雅尤精於數學事母孝處昆弟讓登嘉靖鄉薦以母老弗仕甘守清貧有以十金餽者拒不受至萬歷始選安邑訓導時學論物故親為含斂且厚贈歸櫬尋陞國學助教再轉翰林院中書舍人為路王正字九年轉知南直徐州甫七月以疾歸美在部門時有同鄉友女鬻於京美出金贖之且戒友人護送歸寧鄉人頌德至今不綴子景華孫紹齡皆成進士舊志

楊復亨字季泰鼎之後天啓癸酉舉人生而嚴重不知嬉戲年十一輒嚮慕古人初見馮恭定令言志書不愧屋漏行所無事以對年五十四授長治論遷昌樂令自矢曰一不剝民肥己二不緩德尙刑三不循情枉法及署益都尤注意與民休息四字在昌樂革去助解銀

民間歲省二千餘金強寇萬餘壓境家人驚恐亨曰我朝廷官當以身殉社稷即登城守禦素性剛方縉紳有不悅者以大計中傷謝政就道而逆闖破長安遂僑居澤潞與同志講學三晉之士翕然從之丁亥歸里遁跡著書有念祖錄一卷貫珠講四卷語對一卷編纂有尙友錄養正錄就正錄書紳篇數十卷舊志

韓在字明仲別號存東少孤能力學慷慨有大志受業馮恭定先生講說理學躬行實踐及門多士獨語公曰他日接斯統者其在君乎事母至孝居母喪無愆於禮事兄猶父曲盡誠敬待諸侄若孫卵翼提命威馳名譽序崇積問育棄兒焚通券推澤流離周貧濟急義舉指不勝屈遠近宗之以恩選入史館尋知制誥侍經筵一切餽遺峻謝弗受轉南京戶部主事時遇多事遂棄官歸里賦詩讀書戶外事概無問也工墨妙多著述所著有神宗實錄抄略九峻山人稿珊瑚

咸寧縣志 卷二十一 列傳下 十六

林藏於家壽八十三無疾而終舊志

楊信字以成登進士授工部主事督理徐州夏鎮開闢無城時多夜劫且河溢為患信築城垣修堤岸以故盜息陞本部員外管領寶源局局錢價數被無藉侵漁冤者甚眾信檢節年績補及餘銀出償之冤者全活勒碑頌德轉正郎尋出四川參議歷本省副使緣與直指不合遂解綬歸田信天性質樸任事不顧嫌忌雖邊幅未修胸中毫無芥滯年五十九卒於家舊志

雷亮洪武時湖廣僉事王松撫州知府李森永樂時涑水知縣燕壽成化時涑水知縣種雲龍正德時南宮知縣朱昂嘉靖時解州知州李蘇兩准運使孫學思新鄉訓導姚登隆慶時永寧知縣郭然沁州知州王道純萬歷朝四川副使陳力懷慶教授皆有聞於時並見通志廉能

熊萬騰大銳子字健冲萬歷丁酉舉人初授直隸廣平府推官日所

平反以仁恕為主後擢解州愛民急公兩地稱治獨冠一時紳士居民頌德立碑撫按交薦欲備臺諫以忌者阻之懸其車歸里日以課讀為事後子孫皆登第探訪冊

趙祿別號渠東弱冠時入庠督學王取教習鎮安諸生尋以鎮安貢恥與權宦同時家居不起楊文襄公寄詩促之遂謁銓部授四川銅梁丞蒞政聲籍將補本縣尹尊鱸念切歸家杜門讀書年九十四卒有勉學詞行於世舊志

王國禎字子開別號麟郊天性孝友氣度安和多學有智謀第萬歷乙未進士初授直隸樂亭知縣調繁遵化所在作人惠物決獄應變多善政其在遵化有單騎退敵之功巡按首薦行取兵部主事尋陞御史巡視南畿有表章靖難立祠勸忠之舉公餘貨具表進國帑丞佐順天有省母告歸之誠巡視山西有驅蝗清淫之勞起撫通州總

督宣大有安內攘外飾垣責貴之績甲子推兵部尚書念諸兄次第告殞感深同氣引病告歸百指同爨有公藝高風無何吏部會推以邊材起公蒙旨監用而公以母喪請終制方圖報稱以哀毀過禮遽疾終舊志

黃纘祖字汝績別號南屏雲孫也少孤事母以孝聞壬子舉於鄉閉戶窮經不干公府壬戌成進士初令汾陽澹寧處己厚澤沐民興學校表節義除衙蠹邑人建祠尸祝至今不衰值魏瑞竊權御史張慎言忠直忤璫令法司誣以盜官銀發本邑刺字纘祖奮然自矢曰軀可捐也而公道必不容泯遂開釋觸璫怒幾欲反坐值崇禎改元獲免後令趙城多善政歌吟建祠與汾民無殊旋蒙欽詔考授禮部主事未數月以疾終於邸舊志

王之鼎字玉鉉萬歷己酉舉人為文安令潔己奉公著循良之譽陞工部主政出為四川夔州府太守請減夔門稅務以甦商困時流寇披猖多由秦入蜀議者欲盡誅秦之貿易於蜀者賴鼎白直指党崇雅驗明親給路引亘七日夜全活幾萬人秦商咸肖像祀之以勞瘁卒舊志

蔣從忠世襲指揮以幹理著於時舊志

韓文鏡崇禎辛未進士歷官杭嚴道兼榷稅務先是浙稅叢弊文鏡令依科則平納在官尤重禮教嘗捐俸設義學薪水膏火之資纖悉具備營弁每來習禮一時風尚彬彬如也以親老告歸通志廉能

周之桂字鷲飛崇禎癸未進士順治初授秀水令多善政行取諫垣敷陳剴切如請蠲直省宿逋及簡學臣內陞皆見採用陟督捕疏請熱審減等照刑部窩逃例移順天府發配又隱匿旗人初有連坐例

奸民率挾私妄訐之桂委請行郡縣查覆以杜誣枉由是省釋無算
後官至通政使乞歸通志直隸

雷壯幼有奇氣好讀書順治甲午科鄉榜第一任安化縣教諭講課
諸生如子弟焉縣有河灘廢地十餘里教民種稻遂捐學俸購稻種
又掘水開田教以灌地法下秧法分苗法不數年而一帶水田相沿
數十里縣民感德立雷公祠名其田曰雷公田至今每月間民尤
設祭祠內虔拜其善政不泯如此所註易經集解行世採訪

熊焯字著菴號敏之萬騰孫也幼嗜讀年十八補博士弟子順治乙
酉登鄉薦先時值寇變其父惟紓公被賊脅去焯慟哭馳赴言父衰
無用願以身代賊憐之令父去後乘間逃歸四壁蕭然手不釋卷己
丑登進士歷官戶部郎中授浙江道監察御史奉命三典試河南
所得悉寒畯知名士嘗權稅淮安巡漕兩浙善政不可殫述浙人建

祀
卷二十一列傳下
十九

祠九江爲御史凡十二年封章條奏雖鐵面魚頭不是過也所著有
奏議三十篇序紀雜文八十篇詩律百首尺牘三百首其長子汝堂
以庠生考授浙江湖州府通判歷任湖州知府亦多善政孫文鐸仕
同知曾孫兆登賢書採訪

黃建中字懋德號容齋雍正乙卯選拔乾隆元年任嘉定令懲豪強
儲倉粟濬城內清鏡塘野奴涇呂墅溝諸水以濟行旅資蓄洩人稱
其治調長洲吳元和皆首郡公赴事勤敏殫心籌畫利弊城內三橫
四直河歲久淤積公設法開浚太湖濱有灘漲田田去糧存久爲民
累公陳請蠲免又以社倉爲積貯要務推誠勸諭積至萬餘石吳之
光福鎮鳳鳴岡福慶寺旁有陸墳匪姓欲攘其地數十年結訟不休
公親往勘斷歸寺塵案頓結江陰惡少某誣常熟民陳姓以姦事獄
已成公廉得實釋之以公事累吏議旋得旨仍以知縣用時海州

水災被徵往賑見民采食枵實榆皮取以告監司復蒙加賑一月賑
務竣補陽湖令相繼丁父母憂扶柩歸囊橐蕭然喪葬畢因事至江

蘇適淮安被水中丞陳文肅奏留公賑清河桃源安東三縣嚴冬風
雪賑所在黃河岸側僅設一蓆蓬公黎明輒步至全活甚衆丁卯秋
崇明海溢漂沒田廬公復往賑方病星夜馳抵劉河口風浪洶湧土
人勸止公曰數十萬生靈待命方殷違惜此身哉毅然航海至崇力
疾視事不遑寢食再補陽湖邑向有役田起明萬歷間巡撫胡公因
民運爲累每圖置田若干收其租爲運費名曰役租後糧入官運役
田變爲民田租額仍在乃均攤入民田公亟請於上官後奉恩旨
蠲免陞知海州舊疾增劇卒於陽湖年四十八身後家無儋石儲重
以核減公用逋累數千金弟文中號呼求助蘇常二郡民踴躍代輸
洵乎公道在人廉吏不可爲而卒可爲也娶張氏合葬長安後坡皆

之原
卷二十一列傳下
二十一

梁鳳翔康熙癸丑進士性純孝少失怙母疾日夜籲天願以身代疾
愈二十五年授孝感令履畝均賦積弊一清壬申癸酉間秦楚沔饑
鳳翔捐俸勸賑多所全活擢潞安太守革除漏卮勒石永禁期年政
成以足疾乞歸潞人懷之通志廉能

梁樟號駁菴鳳翔四子康熙進士任山東城武縣歷陞福州通判所
在政教皆得人心後卒於官署士民撫道而送葬者數百人可謂循
良之吏有父風焉採訪
邵廷儀順治甲午舉於鄉授清澗教諭尋陞靖遠衛教授值王輔臣
兵叛僞檄促各官盡改舊印廷儀獨懷印不予以死自誓賊怒之勿
責也事平以節義聞於朝擢香山令有善政省志
曹世振字潛如代之長子性樸厚博學能文詞每試屢樹前茅以順

治乙酉拔貢授貴州思南府同知未即任時黔地甫戡軍興旁午當

事者委儲糧科世振殫盡心力貯放有法軍民稱便以心勞蒞任三

月構疾卒於官吏民感泣顧當事者贈之以歸櫬焉舊志

賈慎行字羅山家世蔚州人祖懋實字名符康熙辛酉科舉人為咸

寧令十二年多善政遂家焉先生雍正乙卯舉於鄉幼以孝聞家貧

力學教授里中性耿介不受友人千金之餽一袍之贈事皆有狀其

居於鄉者如此及其令襄垣也其地瘠民貧俗多爭訟先生開誠勸

諭又按古方書修良藥以救民之鬪而傷者曰一命全則兩命活矣

復念非富而教之末由得無訟之原也襄邑俗不知桑先生乃購桑

高平黎城諸邑相隙地躬自教民種植為盤條壓根諸法時單騎循

行村落教婦女養蠶或賞以錢布行之五年得桑二十餘萬株杼軸

之聲軋軋徹四境太守下其法他邑閩郡獲其利而襄邑為樂土焉

咸寧縣志卷二十一 列傳下 二十一

官九年爭訟益簡囹圄空虛乃引疾歸襄民泣送有至平陽曲亭鎮

者蓋去襄三百餘里也性儉素退食未嘗衣帛一日家人以帛衣進

揮之對曰此所市襄垣絹也乃笑而服之歸逾年卒子策安策治乾

隆壬午同榜舉人壬辰同榜進士策安任四川彭山縣知縣三子策賢嘉慶戊午舉人四子策良乾隆己亥舉人歷任湖南平江安仁衡陽知縣

路振聲官至提督加太子太保兵部尚書 予告在籍蒙 聖眷寵

渥 御製匾額對聯以獎勵績年六十而卒弟振揚亦官至兵部尚

書子秉桓辛卯舉人秉模庚子舉人孫珣襲蔭採訪冊

周承勃字絳侯乾隆丙辰進士授戶部主事仕至江南淮徐道多善

政採訪冊

咸寧縣志卷二十一

忠節傳

夫險夷時也生死命也避險者可免死就夷者可得生情也忠義

直之士遭際艱難以必不可奪之志櫻必不可犯之鋒過涉滅頂終

不一悔彼其人豈以毛髮為土芥視妻子若寇讐舍身湛族樂與之

同盡哉而委蛇嚙嚙者幸值清晏動曰烈士狗名嗚呼狗名誠易何

千百年狗名者之寡也然則勇夫介士效命疆場與夫草茅蓬華之

中赴義如歸者又何說焉縣自漢蘇屬國而下以忠節見者史不絕

書 聖清御宸名教彌厲若朱恩等致身勝國皆特荷表揚又 勅

建昭忠祠祀川楚陣亡將士其南山居民仗節死難不為賊屈者刻

石學宮盛哉 天子之德所以激揚風化者意深遠矣作忠節傳

咸寧縣志卷二十一 忠節傳 一

蘇武字子卿建子任為郎稍遷至移中監天漢元年以中郎將持節

送匈奴使留在漢者與副中郎將張勝假吏常惠等俱至匈奴匈奴

欲降之使衛律召武受辭武引佩刀自刺律驚自抱持武氣絕半日

復蘇律謂武曰蘇君律前歸匈奴擁衆數萬蘇君今日降明日復然

空以身膏草野誰復知之武不應律曰君今不聽吾計雖欲復見我

尚可得乎武罵曰女畔主背親何以女為見律知武終不可脅白單

于愈益欲降之乃幽武大窖中絕不飲食天雨雪武臥齧雪與旃毛

并咽之數日不死匈奴以為神徙武北海無人處使牧羝武至海

上廩食不至掘野鼠去草實而食之仗漢節牧羊臥起操持節旄盡

落久之單于使李陵至海上置酒設樂謂武曰單于聞陵與子卿素

厚故使來說足下虛心欲相待武曰武父子無功德皆為陛下所成

就今得殺身自效誠甘樂之願勿復再言陵數日復曰子卿一聽陵

言武曰自分已死久矣王必欲降請畢今日之權效死於前陵見其
至誠喟然歎曰嗟乎義士陵與衛律之罪上通於天因泣下沾巾與
武決去後陵復至海上語武捕得雲中生口言吏民皆白服曰上崩
武號泣嘔血且夕臨數月昭帝即位匈奴與和親漢求武等匈奴詭
言武死後漢使復至匈奴常惠教使者謂天子射上林苑得雁足有
繫帛書言武等在某澤中使者如惠語讓單于單于驚謝召會武官
屬隨武還始元六年春至京師詔武奉太牢謁武帝園廟拜為典屬
國武留匈奴凡十九歲始以強壯出及還鬚髮盡白後坐免宣帝即
位賜爵關內侯復為右曹典屬國所得賞賜盡以施于家無餘財武
年八十餘神爵二年病卒甘露三年單于入朝上思股肱之美圖畫
於麒麟閣子男元前坐事死上閔之武前發匈奴時胡婦產一子通
國有聲問上以為郎又以武弟子為右曹漢書本傳

忠節傳 卷二十一

韋康字元將京兆人康父端從涼州徵為太僕康代為涼州刺史弟
誕字仲將孔融稱元將淵才亮茂雅度宏毅偉世之器仲將懿性貞
實文敏篤誠保家之主康後為馬超所圍堅守歷時救軍不至為超
所殺三國志荀彧傳註引三輔決錄誕見文藝傳

南北朝

韋粲字長倩放子好學仗氣太清二年為散騎常侍粲聞侯景作逆
簡閱部下得精卒五千馬百疋倍道赴援就內侍劉孝儀謀之孝儀
曰當有別勅豈可妄相驚動時孝儀置酒章怒以杯抵地曰賊已渡
江便逼宮闕水陸相斷何暇有報假令無勅豈得自安韋粲今日何
情飲酒即馳馬出以輕舸就路至南州司州刺史柳仲禮亦帥步騎
萬餘人至橫江粲即送糧仗贍給并散私金帛賞其戰士建議推仲
禮為大都督進軍次新亭是夜仲禮入粲營部分眾軍令粲頓青塘

粲帥所部水陸俱進時值昏霧軍人失道比及青塘夜已過半壘柵
至曉未合景帥銳卒來攻遂敗賊乘勝入營粲叱子弟力戰兵死略
盡遂見害子尼及三弟助警構從弟昂皆戰死賊傳粲首以示城內
太宗聞之流涕曰社稷所寄惟在韋公如何不幸先死行陣詔贈護
軍將軍世祖平侯景追諡曰忠貞並贈助警構及尼皆中書郎昂員
外散騎常侍粲長子臧字君理歷官東宮領直侯景至帥兵屯西華
門城陷奔江州收舊部曲據豫章為部下所害梁書

韋元恢杜陵人有氣幹孝昌初值刺史元法僧外叛元恢招聚同志
潛規克復事泄為法僧所害時人傷之魏書魏

韋祐字法保山北人祖駢中書博士父義上洛郡守法保少好遊俠
人有急難投之者多保存之父歿事母兄以孝敬聞慕李長壽之為
人遂娶長壽女因寓居關南正光末拜員外散騎侍郎孝武西遷除

右將軍及長壽被害其子延孫收餘眾守禦東境朝廷恐延孫兵少
不能自固及除法保東洛州刺史配兵數百人以援延孫法保遂倍
道兼行東魏陝州刺史劉貴以步騎邀之法保命所部為圓陣且戰
且前數日得與延孫兵接乃并勢置柵於伏流未幾太祖徵法保與
延孫還朝賞勞甚厚授大都督除河南尹頻與敵人交兵每身先士
卒單馬陷陣嘗至關南與東魏人戰流矢中頸從口中出當時氣絕
輿至營久之乃蘇拜車騎大將軍鎮九曲城加驃騎大將軍會東魏
遣軍送糧饋宜陽法保潛邀之轉戰數十里兵少不敵為流矢所中
卒諡曰壯子初仕建德中周書本傳

韋總字善會孝寬子杜陵人聰敏好學位京兆尹帝嘗戲總曰卿師尹帝鄉

故當不以富貴威福鄉里耶總正色對曰陛下擢臣非分竊謂已鑿
愚誠今奉嚴旨便似未照丹赤豈可久忝此職用疑聖慮請解印綬

以避賢能帝大笑曰前言戲之耳五年從武帝東征每帥麾下先驅陷敵遂於并州戰歿贈上大將軍追封河南郡公諡曰貞

北史章孝寬傳

韋洸字世穆世康兄杜陵人性剛毅有氣幹少便弓馬隋文帝為丞相從季

父孝寬擊尉遲迥於相州以功拜柱國進襄陽郡公時突厥寇邊令

洸統兵出原州擊破之拜江陵總管陳平拜江州總管略定九江遂

圖嶺南上與書慰勉之洸至廣州嶺表皆降上聞而大悅許以便宜

從事拜廣州總管歲餘番禺夷王仲宣反以兵圍洸洸拒之中流矢

卒贈上柱國諡曰敬子協字欽仁好學有雅量位秘書郎其父在廣

州上命協齋詔勞問未至而父卒上以其父死王事拜柱國歷定息

秦三州刺史有能名

北史章世康傳

韋福獎世康少子杜陵人通事舍人在東都與楊元感戰歿

北史章世康傳

隋

威 尊 卷二十一 忠節傳 四

皇甫誕字元慮墓碑及金石錄所載墓志慮俱作憲少剛毅有氣局隋開皇中累遷治

中侍御史朝臣莫不肅憚焉拜并州總管晉王諒謀作亂抗節遇害

贈柱國封宏義公諡曰明子無逸北史

唐

高叡萬年人隋尚書左僕射頰孫也父表仁穀州刺史叡舉明經稍

遷通義令有治勞刻石載德歷趙州刺史平昌縣子聖歷初突厥默

啜入寇叡嬰城拒虜攻益急長史唐波若與虜通叡覺之力不能制

即自經不得死為虜執使降論諸縣不肯應見殺初虜至有為叡計

者突厥讒說所向無完公不能抗且當下之答曰我刺史不戰而降

罪大矣武后嘆息贈冬官尚書諡曰節詔誅波若籍其家下制褒叡

忠節波若臣賊使天下知之

唐書忠義傳

顏杲卿字昕父元孫為濠州刺史杲卿以蔭調遂州司法參軍與兄

春卿弟曜卿並以書判超等遷范陽參軍安祿山聞其名表為假常

山太守祿山反杲卿及長史袁履謙謁於道賜杲卿紫袍履謙緋袍

杲卿指所賜衣謂履謙曰與公何為著此履謙悟乃與真定令賈深

內邱令張通幽定謀圖賊使子泉明往返計議時真卿在平原陰養

死士為拒守計遣甥盧逖至常山約起兵斷賊北道杲卿大喜以為

兵犄角可挫賊西鋒元宗拜杲卿衛尉卿兼御史中丞履謙常山太

守即傳檄河北言王師二十萬入土門遣郭仲邕引百騎為先鋒馳

而南於是趙鉅鹿廣平河間並斬偽刺史傳首常山杲卿兄弟兵大

振祿山至陝聞兵與使史思明等率兵攻常山兵少未及為守計杲

卿晝夜戰井竭糧矢盡六日而陷與履謙同執賊脅使降不應取少

子李明刃頸上曰降我當活而子不答遂并盧逖殺之杲卿至洛陽

祿山怒曰吾擢爾太守何所負而反杲卿瞋目罵曰汝營州牧羊羯

奴耳天子負汝何事而反我唐臣守忠義恨不斬汝以謝上祿山忿

節解以肉噉之詈不絕賊鉤斷其舌曰復能詈否杲卿含胡而絕年

六十五履謙斷手足賊縛之杲卿宗子近屬皆被害乾元初贈太子

太師諡忠節建中中又贈司徒泉明購口葬鳳栖原季明逖同塋及

宗子等皆贈五品官

按顏真卿撰神道碑公子姪為賊所害者八人孫誕姪誦先質於

賊皆被鋸殺乾元元年五月贈季明誦左右贊善誕姪王諮議姪

子幹都水使者沛尚食奉御頰洸馬逖鄭王友從父甥博野尉沈

盈大理正授泉明郭縣令威明太僕丞姪男翽漢州司馬孫證左

內倉曹訊兵曹明年正月葬於京師鳳棲原先塋西北

泉明有孝節常山陷客壽陽真卿為蒲州刺史令泉明到河北求宗

屬始一女及姑女並流離賊中悉錢贖姑女還取貨復往則己女復

失之履謙及父故將妻子尚三百餘人泉明悉力贍給殯父與履謙分柩護還長安履謙妻疑斂具儉狹發視之與泉卿等乃號踊待泉明如父肅宗拜泉明郎令政化清明誅宿盜人情翕然成都尹舉其課第一遷彭州司馬居官廉而孤藐相從百口飡粥不給無愠色居母喪哀毀骨立其行義當世以為難泉卿倜儻通當世務舉明經終偃師丞沈盈者亦泉卿甥有義行釋褐博野尉與泉卿同死難

唐書忠義傳

顏真卿字清臣秘書監師古五世從孫

按師古本貫瑯琊後徙長安

開元中舉進

士又擢制科調醴泉尉遷監察御史使河隴時五原有冤獄天且旱真卿辨獄而兩郡人呼御史雨再轉武部員外出為平原太守安祿山反河朔盡陷獨平原城守具備使參軍李平馳奏元宗始聞亂嘆曰河北二十四郡無一忠臣耶及平至帝大喜曰朕不識真卿何如

咸寧縣志卷二十一 忠節傳

六

人所為乃若此時從父兄泉卿為常山太守斬賊將李欽湊等清土門十七郡同日自歸推真卿為盟主兵二十餘萬絕燕趙詔拜戶部侍郎佐李光弼討賊俄加河北招討採訪使清河太守使李崕乞師真卿出兵賊敗斬首萬級史思明遣兵絕平原救軍真卿懼不敵會平盧將劉正臣以漁陽歸真卿欲堅其意越海遺軍資十餘萬以子頗為質頗甫十歲肅宗即位靈武真卿數遣使以蠟丸裹書陳事拜工部尚書御史大夫祿山乘虛遣史思明尹子奇急攻河北真卿謀於衆曰賊銳甚不可抗若委命辱國非計也不如徑奔行在朝廷若誅敗軍罪吾死不恨至德元載棄郡至鳳翔謁帝授憲部尚書御史大夫方朝廷草昧不暇給而真卿繩治如平日百官肅然俄以檢校刑部尚書為朔方行營宣慰使未行留知省事封魯郡公時元載多引私黨畏羣臣論奏乃給帝曰羣臣奏事多挾讒毀請每論事先白

長官長官白宰相詳可否以聞真卿上疏曰諸司長官者達官也皆得專達於天子郎官御史陛下腹心耳目之臣也故出使天下事無細大得失皆俾訪察還以聞此古明四目達四聰也今陛下欲自屏耳目使不聰明則天下何望焉載以為誹謗貶峽州別駕改吉州司馬遷撫湖二州刺史載誅楊綰薦之擢刑部尚書進吏部為禮儀使楊炎當國以直不容換太子少師猶領使及盧杞益不喜改太子太師并使罷之李希烈陷汝州杞建遣真卿四方所信若往諭之可不勞師而定詔可李勉以為失一元老貽朝廷羞密表固留至河南河南尹鄭叔則以希烈反狀明勸不行答曰君命可避乎既見希烈宣詔旨希烈養子千餘拔刀爭進真卿色不變希烈以身扞廳其衆退乃就館逼使上書雪己真卿不從希烈大會其黨召真卿時朱滔王武俊李納使者皆在坐謂希烈曰聞太師名德久矣公欲建大號而

咸寧縣志卷二十一 忠節傳

七

太師至求宰相孰先太師者真卿叱曰若等聞顏常山否吾兄也祿山反首舉義師雖被執詬賊不絕於口吾年且八十官太師吾守吾節死而後已豈受若等脅耶諸賊失色會周曾康秀林等謀襲希烈奉真卿為帥事洩曾死乃拘送真卿蔡州希烈僭稱帝使問儀式對曰老夫耄矣曾掌國禮所記諸侯朝覲耳興元後王師復振賊慮變使閹奴等害真卿曰有詔真卿再拜奴曰賜卿死曰老臣無狀罪當死使人何日長安來奴曰從大梁來罵曰乃賊耳何詔云遂縊殺之年七十六淮蔡平于頔碩護喪還帝廢朝五日諡文忠興元元年十一月葬於萬年縣舊原著韻海鏡源三百六十卷吳興集十卷廬陵集十卷臨川集十卷

令狐坦撰墓志銘

真卿立朝正色剛而有禮非公言直道不萌於心天下不以姓名稱而獨曰魯公善正草書筆力遒婉世寶傳之貞元六年授頭五品正員官開成初又以曾孫宏式為同州

參軍 唐書本傳

程千里萬年人長七尺魁岸有力應募磧西累官安西副都護天寶末兼北廷都護安西北廷節度使討捕突厥首阿布思擢右金吾衛大將軍安祿山反詔募兵河東即拜節度副使雲中太守遷上黨長史至德二載賊將蔡希德圍上黨千里恃勇開門率百騎欲直擒希德幾得而救至乃退會橋壞馬顛為賊執仰首勅諸騎使還曰為我報諸將可失帥不可失城軍中皆泣下增備固守賊不能下還囚千里至東都為嚴莊所害 唐書忠義傳

宋

陳求道字德之登進士第靖康間判都水監及朝議二帝出郊請和求道力爭之不聽金人立張邦昌下令在京官不朝者死求道稱疾不往開封尹親以邦昌命召之竟不屈建炎四年命為襄鄧隨郢鎮

忠節傳 卷二十一

撫劉忠叛驅求道至茗山逆旅具酒奉求道為主將求道正色厲辭賊怒殺其妻子求道罵愈厲賊斫其口拔舌斷之而死 舊志

元

董成夫植夫弟以軍功授察罕腦兒宣慰同知進宣慰使當時無西北之憂者倚重成夫旋以邊寇奮不顧身歿於陣計聞贈中大夫樞密院副使諡忠烈配饗廟廷 舊志

明

王真洪武中起卒伍積功至燕山右護衛百戶燕兵起攻九門戰永平真定下廣昌狗雁門從破滄州追南兵至滑口俘獲七千餘人累遷都指揮使泃河之戰真與白義劉江各帥百騎誘平安軍縛草置囊中為東帛狀安追擊真等伴棄囊走安軍士競取之伏發兩軍鏖戰真帥將士直前斬賊無算後軍不繼安軍圍之數匝真被重創連

格殺數十人顧左右曰我義不死敵手遂自刎成祖即位追封金鄉侯諡忠壯真勇健有智略成祖每追悼之曰奮武如王真何功不成不死功當冠諸將仁宗時追封寧國公加號效忠子通自有傳 明史本傳

勅旌忠臣 通志引表忠記

按永樂四年三月勅諭進士王志云朕惟聖賢之學終始無間德業大成必資持久爾績學能文克膺舉薦省覽敷言良深嘉歎茲特命爾歸榮故鄉以成德業副朕所期毋自滿而驕毋自怠而縱博學審問慎思明辨篤行未至希聖希賢俟朕有命爾即來朝勅勒石碑林據此則志以永樂四年告歸其時似未授職計其死寇當在四年後

邵璋西安後衛人正德中舉人任登州府通判流賊犯境璋率眾力

戰死之 賈氏通志

祝萬齡父世喬有至行以父遠遊不歸年十五即獨身訪求瀕死歷數千里卒得之後由選貢通判南康以清慎著萬齡師鄉人馮從吾

舉萬歷四十四年進士累官保定知府天啓六年魏忠賢盡毀天下書院萬齡憤逆黨李魯生遂劾萬齡倡詭言謂天變地震物怪人妖悉由毀書院所致非聖誣天實甚遂落職崇正初用薦起黃州知府集諸生定惠書院迪以正學居二年遷河南副使監軍磁州輝縣之

北與山西陵川之南有村曰水峪回賊竊據數十年大為民患萬齡與山西監司王肇生合兵擊六戰焚其巢三百餘賊遂平錄功加右參政流賊自山西入河北掠新鄉萬齡邀擊之賊走陵川已復大至坐失事削籍歸湯開遠訟其冤不納久之廷臣交薦未及用而西安陷萬齡深衣大帶趣至關中書院哭拜先聖投繯死 明史忠義傳

寶光儀官懷慶通判徐芳聲官芮城知縣皆里居西安城破並抗節
死明史祝
陶爾德字太初萬歷癸丑進士仕至川北道告歸李賊攻西安爾德

分守東城賊至被刃死通志
崔爾達字汝明西安右衛指揮擢秦州守備秦藩矜其賢疏留之崇

正癸未逆闖圍會城爾達擐甲侍衛日夕不懈城陷衛士皆竄爾達
獨以短兵接戰賊衆大集爾達奮呼殺賊手刃數人賊怒環攻之遂
死五日得尸顏色如生

李光信縣學生崇禎癸未賊圍城光信晝夜守禦城已陷猶持斧與
賊戰賊刃之諸生王召俊亦投井死並述

孫允芳字嗣香與兄允泰讀書慈恩寺以節義爲己任崇禎壬午允
芳舉於鄉允泰拔貢生賊入城允芳自經允泰尋父不見投井死學

周培忠咸寧人興平貢生任隰州知州謝政歸會李賊陷西安一門
盡節者數十人賈氏通志

朱恩崇正十六年西安城陷偕弟斗及環姪浣俱義不從賊投井死
賈氏通志舊志皆咸寧人勝朝殉節諸臣錄作長安人

李昌齡字仁徵天啓辛酉舉人爲河南靈寶學教諭月課諸生以忠
孝大義流寇侵城聚諸生於明倫堂日平日所講安在誰無父母誰

無妻子誰不履王土而可偷生乎每一生令監百姓十人倡義堅守
賊退陞山西猗氏知縣令各村社立鄉約以敦風化親詣四鄉力田

者賞荒蕪者責時旱災頻仍兼以黃鼠害稼地多菅草蕪地萬頃竭
誠祈禱霖雨時降令構訟有罪者罰捕黃鼠或鋤菅草不半載悉爲

良田流寇煽突軍需不繼當道有議加糧者昌齡爲民請命繪圖告

減文移十數反始獲免尋以失當道意謫河南布政司檢校未幾遷
知沈邱就道會永城劉超叛鳳陽督師檄取監軍即親赴軍前冒矢

石獲叛告捷而監軍之日賊潰沈邱當道卸罪誣下刑部獄數月神
京陷逆闖釋獄內諸縉紳令就選昌齡堅臥不食其子泣勸之曰余

爲國家罪人誼當死余不爲國家罪人尤當死余志決矣越五日而
卒通志

王總衡字振乾由廕生仕熹宗朝不附魏璫因失朝儀例止罰俸竟
以革處奉親備極色養璫敗寃白以親老弗仕及闖賊入秦授以官

不受賊怒加刑掠體無完膚賊以爲死置之踰日復甦避居終南山
通志

石蘊玉字獻之別號荆山西安後衛世官美丰姿多讀書慷慨磊落
遇事有爲襲爵後仍習舉子業以本學中戊子武舉聯捷武進士授

涼州備禦有開闢功漢南茶賊殺傷守將中丞賈檄玉領兵平之軍
政視本衛篆時礦璫肆虐僞云後衛某地有礦派璫金百兩玉辨白

當道抗言公所詞旨嚴峻目皆盡裂璫亦壯其膽氣知不能爲減至
數兩尋亦止左轄姑蘇顧公充吾嘉其品及晉都御史特委玉領中

軍事後顧總督軍門題補固原都閩屢建奇功以母病告歸養及母
歿祭葬如禮國人稱其忠孝

楊條字惟達三趙里人寄學洵陽以歲貢授整屋訓導陞商州學正
癸未闖逆入境誓死守禦力不能支自刎死

徐方敬字子慎西安後衛今屬咸寧由長安中萬歷丙午鄉試授河
南項城令項有權貴家僕倚勢轟訟於縣堂出語無狀即杖四十遣

之由是告終歸養成就後學課訓生徒會闖逆入城投水死邑人馮
明世有七言律志其事